



## SIARAN MEDIA BERSAMA

### LIGA M3 DIJENAMAKAN SEBAGAI LIGA KEJUARAAN MBSB BANK

**PETALING JAYA, 18 Mac 2023** – Arena bola sepak tanah air akan menyaksikan penjenamaan liga semi-profesional yang bakal mengangkat semula pertandingan bola sepak peringkat amatur di negara ini.

Melalui Perjanjian Penajaan yang dimeterai antara Amateur Football League (AFL) yang merupakan pengendali liga semi-profesional di negara ini dan MBSB Bank Berhad (MBSB Bank), sebuah Bank patuh syariah yang progresif, Liga M3 akan dijenamakan sebagai Liga Kejuaraan MBSB Bank (MBSB Bank Championship).

Penjenamaan tersebut diumumkan pada hari ini di majlis menandatangani Perjanjian Penajaan yang disempurnakan oleh Pengerusi AFL, Datuk Wira Mohd Yusoff Mahadi dan Ketua Pegawai Eksekutif Kumpulan MBSB Bank, Datuk Nor Azam M. Taib di Stadium Negeri, Kuching, Sarawak. MBSB Bank selaku penaja utama dan rakan bank rasmi AFL juga menjadi penaja bersama untuk Liga M4 dan Liga M5 yang dikendalikan oleh AFL.

Pengerusi AFL, Datuk Wira Mohd Yusoff berkata, “Kerjasama ini membuktikan liga tempatan bertaraf semi-profesional dan amatur mempunyai nilai komersial tersendiri. Kehadiran MBSB Bank melambangkan penerimaan komuniti perniagaan terhadap sukan bola sepak di peringkat amatur yang berteraskan komuniti setempat ini.

Tambahnya, "Bagi pihak AFL, saya ingin mengucapkan jutaan terima kasih atas sokongan dan kepercayaan MBSB Bank terhadap AFL untuk menjalin kerjasama demi faedah bersama. AFL sedia maklum imej MBSB Bank kini semakin mendapat tempat dalam kalangan rakyat Malaysia dan besarlah harapan kami kerjasama ini dianggap langkah pertama dalam menyumbang kepada pembangunan sukan tanah air. Kerjasama ini diharap dapat membuka mata lebih banyak syarikat luar mahu pun tempatan agar memberi perhatian kepada sukan bola sepak di peringkat amatur yang memiliki potensi cukup besar untuk diterokai dari sudut komersial."

Ketua Pegawai Eksekutif Kumpulan MBSB Bank, Datuk Nor Azam M. Taib pula berkata, "Kami di MBSB Bank sangat berbesar hati untuk bekerjasama dengan AFL kerana kami yakin bahawa sukan bola sepak sangat dekat di hati rakyat. Kami merasa bangga dalam penglibatan ini demi menyokong pembangunan bola sepak negara."

Datuk Nor Azam turut berkata, "Menerusi kolaborasi ini, orang ramai berpeluang mengenali MBSB Bank dengan lebih dekat dan memanfaatkan perkhidmatan yang kami tawarkan bagi membantu mereka menguruskan kewangan dengan lebih berhemah."

Ujarnya lagi, "Kami mengharapkan melalui keterlihatan MBSB Bank, rakyat akan lebih maklum mengenai penawaran perbankan komprehensif. Sebagai contoh, Akaun Simpanan-i dan Semasa-i boleh dimanfaatkan pelanggan melalui kadar pulangan kewangan yang menarik. Manakala, Pembiayaan Peribadi-i disediakan bagi membantu rakyat menangani keperluan kewangan dan Pembiayaan Hartanah-i pula ialah untuk membantu rakyat memiliki kediaman sendiri."

"Kami mengharapkan penglibatan MBSB Bank akan menyemarakkan lagi aksi di padang bola sepak dan sokongan kami dapat merealisasikan hasrat pengurusan AFL untuk melihat liga ini muncul sebagai salah satu liga terunggul di negara ini." kata Datuk Nor Azam pada majlis hari ini.

Mengenai pemilihan Stadium Negeri Sarawak sebagai lokasi majlis menandatangani perjanjian penajaan ini, Datuk Nor Azam berkata, “Sarawak merupakan antara negeri yang memberi penekanan serius terhadap pembangunan bola sepak di peringkat amatur dan akar umbi melalui pelbagai kejohanan peringkat daerah yang juga di kawal selia oleh AFL dan Persatuan Bolasepak Sarawak (FAS) seperti Liga M5.”

“Kerjasama dan keterbukaan pihak FAS untuk menjadi tuan rumah majlis ini juga membuktikan komitmen mereka untuk bersama-sama AFL dan MBSB Bank dalam meningkatkan mutu pertandingan peringkat semi-profesional di negara ini,” akhiri Datuk Nor Azam.

-Tamat-

Untuk sebarang pertanyaan, sila hubungi:

<p>Subkhi Sudarji Amateur Football League (AFL) Wisma FAM Jalan SS5A/9, Kelana Jaya 47301 Petaling Jaya Selangor D.E. T:019 382 5009 E: subkhi.sudarji@theafl.my</p>	<p>Nik Surina Suria Nik Abdullah Jabatan Pemasaran &amp; Komunikasi Korporat Bahagian Strategi Korporat MBSB Bank Berhad Menara MBSB Bank PJ Sentral, Petaling Jaya, Selangor D. E. E: niksurina@mbsbbank.com T: 013 367 6488</p>
--	---

#### **Mengenai AFL**

Amateur Football League (AFL) ialah sebuah entiti yang diberi kelulusan oleh Persatuan Bola Sepak Malaysia (FAM) untuk menganjur bola sepak peringkat amatur dan semi profesional. AFL ditubuhkan pada 2018 dengan usaha untuk mengembangkan sukan ini di peringkat akar umbi di Malaysia, melancarkan pertandingan pertamanya pada 2019. AFL kini beribu pejabat di Kelana Jaya. AFL percaya bahawa menjadi tanggungjawab dan visi kami Untuk Menjeluarai dan Melindungi permainan rakyat sebagai sukan utama penyatuan Negara.

---

#### **Mengenai MBSB Bank**

MBSB Bank Berhad (MBSB Bank) merupakan sebuah Bank Islam sepenuhnya di Malaysia yang menyediakan kemudahan perbankan patuh syariah kepada pelanggan runcit dan korporat. MBSB Bank, melalui keupayaan digitalnya, memperluaskan saluran perkhidmatan secara dalam talian seperti perbankan mudah alih dan cawangan maya. Pada masa yang sama, MBSB Bank menyasarkan untuk membawa impak positif dan mampan kepada ekonomi, komuniti dan alam sekitar dengan menggunakan Matlamat Pembangunan Lestari Pertubuhan Bangsa-Bangsa Bersatu (UNSDG) dalam operasinya. Melangkah ke hadapan, MBSB Bank memfokuskan ke arah menjadi institusi kewangan Islam yang matang sepenuhnya menjelang tahun 2025 yang dijenamakan sebagai Journey25 (J25).